

四庫未收書輯刊編纂委員會編

四庫未收書輯刊

北京出版社

壹輯·貳拾柒冊

四庫未收書輯刊

四庫未收書輯刊編纂委員會編

北京出版社

壹輯・貳拾柒冊目錄

月日紀古十二卷〔清〕蕭智漢輯

一

江西考古錄十卷〔清〕王謨撰

四一五

蜀故二十七卷〔清〕彭遵泗輯

五三七

〔清〕蕭智漢輯

月日紀古十二卷

清乾隆五十九年蕭氏聽濤山房刻本

乾隆甲寅新鐫

月日紀古

聽濤山房藏板

叙

友于堂發兌

從來學者矜言著作不必抽秘騁  
妍盡出心裁始足以傳不朽也即或  
於一事一物中標題立義摭拾故實  
薈萃成編以古人類書之作亦足  
以廣見聞者茲林松齡重校非旁

搜遠覽集惠子之車探鄴侯之  
架加以歲月浸淫欲求其典雅談  
洽殆憂乎難之湘邑蕭公五江  
以磊落不羈之才鍵戶邃修手不  
釋卷篋中廣蓄書史調鉛弄  
槧取資甚富暇日輒以著述自娛

藉抒其胸中底蘊流輩有心析之  
甲寅歲予握篆是邦與五江接見  
殊踈然其嗜古不倦久已得於耳屬  
一日忽持其所撰月日紀古一書問叙  
於予披閱一過如開羣玉之府琳  
珞滿目使人應接不暇嗟嘻斯誠可

謂能廣人見聞者矣夫攝提遷次  
黃龍移辰而歲以名自一歲以至  
萬歲以莫非積日累月相衍於無  
窮其間時序之推遷人事之繁變  
雜見於傳記百家之書未有專集  
其若其散而無紀難以涉獵近世

婁東疑瑞堂月令纂一書素在  
 集腋而部帙簡畧不免遺漏是書  
 分爲十二卷每卷以月爲綱析其節候  
 次即逐日紀之徵典於古不爲臆說并  
 採其言之雅馴者條分付繫美不  
 勝收殆不知災祥鬼羅幾歷寒暑  
 始能得此淹博夫豈足餘釘剽竊擇  
 焉不務誇言不詳述以形其淺陋哉  
 五江工詩文尤擅長書法閱平生著  
 作甚夥予未及窺全豹然就是書而  
 推如飮日步中一腐夫世之覽者相台寶  
 貴之可以助清談可以供吟咏即謂是

編足補古人類書所未備也少是爲序  
 歲在甲寅季秋下浣知湘鄉縣事年  
 家眷弟約齋張博和謹



叙

從來紀歲時者概衍佳辰令節拈藻摘華大畧可  
觀矣自董農山兄弟所著古今類傳其積日累月  
編月成歲可謂條分件繫也然職者每嘆其約而  
未能備該則甚矣著述之難也若吾湘上

蕭君五江先生學富才雄卓然大雅之選雖早飲  
香名輝騰仕籍猶待聘安閒下帷著書卷軸盈架  
車非浸淫于古者多乎綜其爲文悉本先民矩範  
沉實高華兼擅其勝尤工于書法行乎神之自得

月日紀古 卷一 叙

不讓右軍專美也而且隨景題吟援筆鼓瑟無不  
出人意料此其什伯庸衆之姿可以窺一斑云余  
夙叨戚好因館于 令兄曲江公之度雲書屋聚  
首愈多常以文翰共賞乃出其月日紀古一編見  
示余覽而嘆曰異哉斯善著述者矣夫自元且至  
歲除排其節序比次其旬日微事綴習有如觀武  
庫之兵而太阿龍泉莫非神器如沃仙厨之果而  
火棗水桃皆成奇味讀之能不稱快乎蓋其所取  
材自正史稗官山經地志九流百氏之書古今名

人之集靡不旁搜博討集纂故實而成帙此非家

藏萬卷目了十行兼以多歷年所曷由有斯精詳

也則觀 蕭君之一編其他書之未刊行者概可

知矣噫稽古之儒生乎今日而以著述名家推陳

出新令人美不勝採不大有裨於聞見者哉

乾隆五十九年甲寅夏六月風園姻愚弟鍾昌世頓

首拜題



月日紀古 卷一 叙

二

自序

予觀風雲雷雨昆蟲草木之屬彙書多載詳矣而於日用之間古帝名賢或吟風而弄月或臨流而賦詩及時序之變遷寒暑之往來獨襍然而鮮專書余甚歉焉偶于吟覽之餘翻閱古集擇其尤雅者彙月日紀古十二卷以博文人之觀止云是爲序

乾隆五十九年歲次甲寅季春月上巳後二日雲澤

蕭智漢書於聽濤山房



凡例

一是書引用書籍不一皆經史子集名賢紀載並非杜撰小說上冠各書名目可以查對

一是書自正月至臘月凡三百六十日月各二節載無不備罕有遺漏

一是書所載皆文人韵事暨時序佳况擇其尤雅者而載之其粗陋之事未敢登錄

一是書既刊外有歷代名賢列女姓氏統譜二百二十卷另行刊刻問世

雲澤漢識

月日紀古卷一

龍城蕭智

兄智

彭潤邦 校對

男秉信 校字

正月 具卦泰

月令孟春之月日在營室昏參中旦尾中其日甲乙

其帝太皞其神勾芒律中太簇

正月日端月避始皇諱也

月日端月避始皇諱也

齊書樂志云正月之辰謂之寅寅也者津也謂生物

之津途也二月之辰謂之卯卯也者茂也言陽氣生

而孳茂也三月之辰名為辰辰也者震也謂時物盡

震動而長也

纂要云正月為孟陽

淵鑑類函云正月為三微之月陽氣初生為微以玉

為瑄

唐書高宗紀顯慶元年正月禁人為幻戲者

五代史梁太祖紀三年春正月如西都復燃燈以祈

福

齊書太祖紀改元嘉歷為建元歷木德盛卯終未以

正月為卯祖十二月為未臘

宋祁筆記宦者宮人言正月與上諱同音故共易為

初月

唐書云天授元年大赦改元以正月為一月

老學菴續筆記王羲之先諱正故法牒中謂正月為

一月或為初月

服虔云天子孟春之月以銅盤取露水服之服八方

之春風以其被八音風也

天寶遺事云都人士女正月乘車跨馬郊野中為探

春之宴

海錄云梁武帝正月賜羣臣却鬼丸

金谷園記云武帝嘗以正月殺梟為羹以賜羣臣食

之云使天下之人知殺絕其惡類也

外紀晉惠帝正月百花未開令宮人剪五色通草花

實錄云王符潛夫論已議花采之費晉新野君傳家

以剪花為業有染絹為芙蓉捻蠟為菱藕剪蠟梅若

生之事則花朵起於漢翦綵起於晉矣

顧渚山記云山中有鳥如鴝鵒而小蒼黃色每至正

二月作聲云春起也至三四月作聲云春去也採茶

人呼爲報春白樂天詩云不緣啼鳥聲饒舌玉鎖仙

郎那得知

董勛問禮俗云一日爲雞二日爲狗三日爲豬四日

爲羊五日爲牛六日爲馬七日爲人八日爲穀

### 立春

荆楚歲時記云立春日剪綵爲燕戴之貼宜春字

月日紀古卷一正月立春

月令立春三日太史謂之天子曰某日立春盛德在

木天子必親帥三公九卿諸侯大夫以迎春於東郊

隋書云立春日雞始乳東風解凍蟄蟲始鳴

漢書曰正月朔歲首立春四時之始

後漢書律歷志云立春晷長一丈一丈六分當至不至兵

起麥不成民疲瘵未當至而至多病燂疾疫

續漢書云立春之日以葭莖灰實律之端氣至則灰

飛

月令注曰立春日出土牛以示農耕之早晚謂於國

城之南立土牛立春在十二月望策牛人近前示其

農早立春在十二月晦及正月朔則策牛人當中示其

農中立春在正月望策牛人在後示其農晚

孝經緯云周天七衡六間曰立春後十五日斗指寅

爲雨水後十五斗指甲爲驚蟄後十五斗指卯爲春

分後十五斗指乙爲清明後十五斗指辰爲穀雨

祭祀記云立春之日迎春於東郊車旗服飾皆青歌

青陽舞雲翹之舞

四民月令云立春之日食生菜不過取迎新之意而

月日紀古卷一正月立春

已進漿粥以導和氣

四時寶鏡云立春日春餅生菜號春盤

通考云立春日上學吉清晨煮白芷桃皮青木香三

種東向沐浴大吉能進學

晉書太史立春日讀五時令服各隨其方色

摭言安定郡王立春日作五辛盤以黃柑釀酒曰洞

庭春色

漢書立春日夜漏未盡五刻京師百官皆衣青郡國

縣官下至令史皆服以青

漢書立春下寬大之書後漢郎顗疏正月首歲之始王者則天之象因時之序宜開發德號爵令命士流寬大之澤垂仁厚之恩

豸轂子漢之迎春髻立春日戴也又有同心髻芙蓉髻周文時之鳳髻秦之望仙髻隋唐九真平審長樂髻之類

太元經八十一首以準六十四卦分配二十四氣茲但依其首序不爲之分首序氣恐紊元理也

酉陽雜俎北朝婦人立春日進春書以青綵爲幘刻唐書紀古卷一正月立春五  
龍像或爲蝦蟆啣之

論衡立春爲土像人男女各二秉耒或立土像牛順時應氣示率下也

物理論立春取宏農宜陽金門山竹爲管河內葭草爲灰以候陽氣

歲時記立春日拖釣之戲以鞭作錢纜相貫綿亘數里鳴鼓牽之按公輸子遊楚爲載舟之戲退則釣之進則強之名曰釣強後以釣爲戲起此

雲洞真經立春日清朝北望有紫綠白雲爲三元君

三素飛雲乘八輿之輪上詣天帝天子候見再拜自陳某乞願侍輪轂三見元君之輦者白日升天唐試進士以立春日望三素雲爲題出此

雜志立春太后御閣制詞呼宮女教習新曲引皇孫看學行

### 雨水

淵鑑類函云雨水之日獺祭魚中氣也後五日鴻雁來後五日草木萌動

後漢書律歷志云雨水晷長九尺一十六分當至不月日紀古卷一正月雨水六  
至早麥不成多病心痛未當至而至多病叢

隋書律歷志雨水魚上水獺祭魚鴻雁來月山歌雨水之時木始榮

法天生意云雨水夫婦各飲一杯還房當月有孕月令廣義云雨水日獺祭魚是日獺不祭魚國多賊

### 初一日

博物志云伏羲置元日神農置臘節軒轅置二社巫咸始置除夕節周公始置上巳秦德公初置伏日晉

平公初置七夕秦始皇初置寒食漢武帝初置三元  
東方朔置人日

風俗通云黃帝上古之時有二神一日神荼二曰鬱  
壘兄弟二人能執鬼於度朔山桃樹下簡閱百鬼之  
無道者縛以葦索執以飼虎黃帝因立桃於門戶畫  
神像於上以禦凶鬼故今人以元日置之門戶也

道書云正月一日爲天臘節又曰中天節

六帖云元日造桃板着戶謂之仙木百鬼所畏

荆楚歲時記正月一日先於庭前爆竹以辟山臊惡

月日紀古卷一正月初一日 七

鬼按神異經云山臊在西方深山中長尺餘犯人則  
病畏爆竹聲

歲時記元日食膠牙餠取膠固之義

四民月令正月朔子婦會孫各上椒酒於家長稱觴

舉壽欣欣如也

後漢儒林傳正旦朝賀帝令羣臣能說經者更相難

詰義有不通者輒奪其席以益通者憑遂重坐五十

餘席故京師語曰解經不窮戴侍中

玉燭寶典正月一日爲元日亦云三元歲之元時之

元月之元

雲仙雜記云有商人見清湖君君問所須但曰乞如  
願君許之得一婢如願其名也有求悉能致之後因  
正旦如願晚起商人撻之走入糞壤中不見今人正  
旦以細繩繫錦人投糞掃中云乞如願

鮑宣傳日蝕三始注正月一日爲歲之朝月之朝日  
之朝始猶朝也又五行志正月元日是爲三朝

崔寔月令元日進椒柏酒椒是玉衡星精服之令人  
身輕能走柏是仙藥進酒次第以年少者爲先

荆楚歲時記云正月一日帖畫雞戶上懸葦索於其

月日紀古卷一正月初一日 八

上插符於旁百鬼畏之

宋書舊時歲朔常設葦菱桃梗磔雞於宮及百寺門  
以禳惡氣

通典云漢高帝十月定泰遂爲歲首七年長樂宮成

制羣臣朝賀武帝改用夏正亦在建寅之朔則元日

慶賀始於高祖也

金樓子云旦日雨謂之月額

舊唐書云長壽二年元日大雪上謂羣臣元日雪百

穀豐此語有何故賁姚璿曰范勝之書云雪是五穀

精以其協和則年穀大穰

珠囊隱訣云正月一日取五木煎湯以浴令人至老

髮黑按道家謂青木香爲五香一云五木

風土記元日吞雞子噉五辛菜

金門歲節云洛陽人家正旦造絲鵝蠟燕粉荔枝

會要舊制元日大陳設皇太子獻壽次上公獻壽次

中書令奏諸州表黃門侍郎奏祥瑞戶部尙書奏諸

州貢表禮部尙書奏諸蕃貢表太史奏雲物侍中奏

禮畢然後中書令又與供奉官獻壽殿上皆呼萬歲

月日紀古

卷一

正月初一日

九

玉海景德四年正月朔朝元殿受朝上作元日會朝

七言詩

景德五年正月壬寅朔上皇太后壽於會慶殿

玉海天禧元年正月辛丑朔改元謁玉清昭應宮薦

獻玉皇上冊寶

又淳化三年正月丙申朔朝賀畢再御朝元殿羣臣

上壽復用宮垂二舞登歌五瑞曲和嶠請作四瑞樂

章從之先是二年正月嶠言來歲正會之儀登歌五

瑞曲已改製則二舞亦當更名於是更爲化成天下

咸加海內之舞

玉海祥符五年正月己巳朔上作元日五言詩賜近

臣又六年正月癸巳朔御乾元殿受朝賀上又作元

日五言詩賜近臣

逸史李宗回者有文詞應進士舉曾與一客自洛陽

至關客云吾能先知人飲饌毫釐不失臨正旦一日

將往華陰縣縣令與李公舊知先遣書報李公謂客

曰歲節人家皆有異饌况縣令與我舊知看明日到

何物喫客撫掌曰大哥與公洛飲盡椒慈酒食五

月日紀古

卷一

正月初一日

十

般餽餽不得飯吃及到華陰縣果如其言

漢儀有正會禮正旦夜漏米盡七刻鐘鳴受賀公侯

以下執贊來庭二千石以上升殿稱萬歲然後作樂

宴賞

淳熙元年正月朔朝賀殿門外卓立大旗三十四

墨子秘要歲時元日取鵲巢燒灰著於厠以辟兵撤

門裏以辟盜賊

夢華錄云新羅國俗以元日拜日月神

晉書樂志後漢正旦天子臨陽德殿受朝賀舍利從

西方來戲於殿前激水化成比目魚跳躍激水作霧  
翳日

酉陽雜俎龜茲國元日鬪牛馬馳爲戲七日觀勝負  
以占一年羊馬減耗繁息也

又焉耆國元日二月八日婆摩遮三日野祀

晉律歷志魏董巴議曰顓帝以今之孟春正月爲元  
其時正月朔旦立春五星會於天厯營室也永凍始  
泮蟄蟲始發雞始三號天曰作時地曰作昌人曰作  
樂鳥獸萬物莫不應和故顓帝聖人爲歷宗也

月日紀古 卷一 正月初一日 土

玉海淳化五年正月甲寅朔上製除夜詩五言各二  
首賜近臣俾屬和翰林學士張洎上表解釋詩意凡  
數千言甚稱旨上命宰臣召至中書獎諭

晉志荀勗正旦大會王公上壽酒歌獻羽觴祈令終  
會昌五年正月己酉朔敕起望仙臺於南郊壇埽道  
士趙歸真特承恩禮

太和七年正月己丑朔舍元朝畢百僚赴光順門賀  
皇太后 玉衡

貞觀十四年陝州刺史房仁裕稱正月元日黃河清

又祥符二年正月丁巳朔出昭應宮瑞木斷之有文  
如點漆體若梵書

大明五年正月戊午朔華雪絳散爲六出以爲嘉瑞  
上曰朕御萬方心存百姓年登歲稔卽爲大瑞

睿宗太極元年正月辛未朔御安福門宴突厥

太康元年正月己丑朔五色雲貫日是歲三月吳平  
淳熙八年元日朝德壽宮次日太史奏日有戴氣  
易通卦驗正旦五更正衣冠饗五色土於戶上壓不  
祥

月日紀古 卷一 正月初一日 土

廣義正月一日平旦漸漸風至暮漸漸晴明一有風  
二有陽三有陰雲號三有其年大收缺一不驗  
通考元日不討火不汲水不掃地

事物紀原正旦縣官懸羊磔雞以羊膾百草鷄啄五  
穀殺之以助生氣也

雜俎元日俗於門上畫虎頭息瘡癘

月令圖經元日日未出時朱書赤靈符懸戶午日同  
崔實月令元日服梅花酒却老

雜志京師有苦井宏正間正月元日有術人往此井

汲水易水祀而下之遂變為甜井至今土人猶言之  
遼記遼俗元日國主以糯米飯白羊髓和糲散於各  
帳四十九枚候五更三點各帳於窗中擲米糲出帳  
得雙數當夜動番樂飲食得隻數便不作樂卽令師  
巫十二人帳外撼鈴執箭喝唱帳內火爐爆鹽并燒  
地拍鼠謂之驚鬼本帳人七日方出

耳談儀真蔣王二公未遇時元日同遊於廟聞桂花  
香遊人雜沓分趨左右樹二公各折得已開桂花一

枝衆皆異之持花出門羣兒歌曰一布政一知府掇  
月日紀古 卷一 正月初一日 五

花魁花到手衆問之兒曰信口戲耳二公同中正德

戊寅進士蔣名南金知府王名大用布政

歲節錄王武子好馬非馬不行元旦則柳葉金障泥

上元則滿月鵲清明則剪水鞭重午則籠嬌鞍中秋

則玉櫓總絡頭重九則蟬兒韁春秋社則塗金鞍冬

至則嘶風韁除日則藥王鞍每節日則喂馬以明紗

豆薺薇草

神仙傳正月元日鍾離降廬山度呂洞賓成仙

藏經云是日彌勒生大佛會

漢天文志曰魏占候正月旦訣入風風從南來大旱  
西南小旱西方有兵西北豆成北方中歲東北爲上  
歲東方大水東南疾疫歲惡

左傳晉城杞絳縣人或曰年長與之食疑其年使問  
之曰臣生之歲正月甲子朔四百四十五甲子矣

國史補宰相禮絕班行百官已集而宰相相方至元旦  
珂傘列燭至五六百炬謂之火城宰相後至衆皆滅

燭避之

張璠漢記元日朝賀畢虎賁當陛下呵置於地曰此  
月日紀古 卷一 正月初一日 古

天子弓也誰敢干越朱穆乃呵之曰天子弓當載之

盾首之上乃敢置地大不敬卽收虎賁治獄因拜朱

穆爲尚書

漢雜事元旦朝賀三公奉璧上殿向御座北面使贊

曰皇帝爲君與三公伏皇帝座乃前進璧

地理志云榮陽有鬼井沛公避項羽于井中時雙鳩

集其上羽曰井有人鳩不集沛公遂免難故漢元日

放鳩以此

晉書庾亮正旦大會州府人士褚裒問孟嘉其人何

在亮曰在坐卿但自覓之歷觀指嘉曰將無是耶亮笑曰不喜褒之得嘉喜嘉爲褒所得

拾遺記曰堯在位七十年有鸞雛歲來集麒麟遊於藪澤皋鳴逃於絕漠有祇支之國獻重明之鳥一名重精雙睛在目狀如雞鳴似鳳時解羽毛肉翮而飛能搏逐猛獸虎狼使妖災羣惡不能爲害節以瓊膏或一歲數來或數歲不至國人莫不灑掃門戶以望重明之集其未至之時國人或刻木或鑄金爲此鳥置於門戶之間則魑魅醜類自然退伏今人每歲正月紀古卷一正月初一日  
元日或刻木鑄金或圖畫爲雞於牖上蓋重精之遺像也

列子曰邯鄲之民以正月之旦獻鳩於簡子簡子大悅厚賞之客問其故簡子曰正旦放生示有恩也孔叢子曰邯鄲民以正月旦獻爵於趙王而綴以五采王大悅申叔以告子順子順曰正朝放之示有生也

後漢書曰永寧元年西南夷揮國王獻樂及幻人能吐火自支解易牛馬頭明年元會作之於庭安帝與

羣臣共觀大奇之陳禪獨離席舉手大言曰昔齊魯爲夾谷之會齊作休儒之樂仲尼誅之帝王之庭不宜設夷狄之技

後漢書曰陳翔爲侍御史正旦朝賀大將軍梁冀威儀不整翔奏冀恃貴不敬請收案罪時人奇之典畧曰明帝使博士馬均作司南車水轉百戲正月朝造巨獸魚龍曼衍弄馬倒騎備如漢西京故事臧榮緒晉書曰元會設白獸尊於殿上尊蓋上施白獸若有能獻直言者則發此尊飲酒按禮曰白獸尊正月紀古卷一正月初一日  
乃杜舉之遺式爲獸監後代所爲示不忌憚也

晉咸康起居注曰十二月庚子詔曰正會日百寮增祿贈醪酒二升

世說曰元帝正會引丞相王導登御狀王公固辭中宗引之彌苦王公曰使太陽與萬物同暉臣下何以仰瞻帝乃止

南齊書曰建武募儉欲鑄壞元日上壽銀酒鎗尚書令王宴等咸稱盛德蕭穎胄曰朝廷盛禮莫過三元此一器既是舊物不足爲侈帝不悅後預曲宴銀器